



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Disp. XII. De lege divina nova

[urn:nbn:de:hbz:466:1-77355](#)

re fidei professionem est, uti cultu superstitionis & profiteri exteriori falsam religionem, cuiusmodi erat religio Judaeorum quod cultus illos, si jam erant superstitionis & mortiferi, item si licet Apostolis uti simulatorie cultu superstitionis Judaeorum, ut eos lucrarentur, quemadmodum ait Hieronymus, licet similiter uti simulatorie cultu superstitionis Gentilium, ut faciliter converterent; & nunc etiam licet uti cærementis Judaicis, simulareque eorum fidem, ut eos lucrificeremus, sicut contra Hieronymum recte argumentatur S. Augustinus Epistolis citatus. Adit S. Thomas loco supra citato, indecens videri quod Apostoli ea occultarent propter scandalum, quæ peritent ad veritatem vita & doctrina, & quod simulatione uteretur in his quæ peritent ad salutem fidelium.

73. Poteſt insuper suaderi conclusio optimâ congruentia, quâ utitur D. Augustinus ad probandum post abrogationem legis Mosaicæ, per aliquod tempus fuisse licitum legalia servare, usque ad sufficiētē divulgationem Evangelii, quamvis non esset necessarium. Sicut enim (inquit) solemus homines mortuos aliquandiu ante sepulturam servare, ut cum honore sepultura tradantur: ita decuit legalia, quæ ut viva post Christi mortem servari non poterant, ut mortua usque ad perfectam Evangelii divulgationem servari, ut cum honore mortua mater synagoga sepeliretur, & ne homines existimarent, si ea statim rejecta fuissent, veterem legem fuisse abominabilem, perinde ac Gentilium cultum, quem nulâ unquam morâ sustinere Apostoli voluerunt.

74. Dices, si licitum erat post abrogationem legis Mosaicæ per aliquod tempus legalia servare, non potuit rationabiliter Paulus ad Galatas 2. reprehendere Petrum Apostolum, eo quod illa usurpareret, sequē à gentilibus Antiochenis recentes conversi regnaret, ut vivaret Judaicæ cum Judæis, qui Jerosolymis à Jacobo advenerant: Atqui Paulus iuste reprehendit Petrum, qui ut dicitur ad Galat. 2. reprehensibilis erat: Ergo post abrogationem legis Mosaicæ, non licitum fuit servare legalia.

Respondeo, negando sequelam Majoris, Petrus enim iure fuit reprehensus à Paulo, non quod simpliciter uteretur cærementis Judaicis, post abrogationem legis Mosaicæ (quod ipsomet Paulus saepius fecerat, ut suprà ostendimus) sed quod uteretur cum aliqua imprudentia & scandalo infirmorum, adeo ut Christiani ex ejus factō inducerentur ad existimandum observationem legalium esse adhuc necessariam, & ita quod ammodo cogentur judaizare, ut significant verba illa Pauli ad Petrum ad Galat. cap. 1. Si tu Judeus cum sis, gentiliter vivis, & non Judaicæ, quomodo cogis gentes judaizare? Solutio est D. Thomæ h[ab]it. quæst. 103, art. 4. ad 2, ubi hac scribit. Non peccavit Petrus in hoc, quod ad tempus legalia observabat, quia hoc sibi licetbat tanquam ex Judæis converso, sed peccabat in hoc, quod circa legalium observationem nimiam diligentiam adhibebat, ne scandalizaret Judæos, ita quod ex hoc quebatur Gentilium scandalum.

75. Quaræ, quo præcisè tempore cœperit lex Mosaica esse mortifera?

Respondeo hoc esse dubium & incertum, valde tamen probabile esse quod plerique Theologi docent, illam solūm cœpisse esse mortiferam quadragesimo circiter post Christi mortem anno, postquam Evangelium sufficienter jam toto orbe

Tom. III.

A Judæis promulgatum fuit per Apostolos, tem- plumque Jerosolymitanum, una cum statu Rei publicæ Judaicæ a Romanis Imperatoribus eversum; tunc enim non erat amplius necessarium deferre honorem Synagogæ jam extinctæ, aut uti condescensu erga Judæos, tandem Dei vocationis rebeller.

DISPUTATIO XII.

De lege Divina nova.

B Ad quæst. 106. D. Thomas. & duas sequentes.

H Actenus de lege veteri, quam Deus olim Angelorum ministerio dedit Moysi, in monte Sina, totique populo Judaico, nunc de lege, quam Christus tulit, & Ecclesiæ sua tradidit, ac per gratiam Spiritus Sancti fidelium cordibus indidit, quæ variis soler nominibus nuncupari. In primis enim lex nova seu novum Testamentum appellatur, eō quod sicut vere exorto, tota facies terræ renovatur, juxta illud Poëta Ecloga 3.

Nunc omnis ager, nunc omnis parturit arbor.

Nunc frondes sylva, nunc formissimos annus,

C Ita adveniente lege gratia, omnia peccatis in- novata sunt, secundum illud Apostoli ad Corinth. 5. Vetera transferunt, ecce facta sunt omnia nova. Undeibi Chryostomus: Rerum, inquit, vices iam mutatae sunt, ut & anima nova. & corpus novum, & novum adorationis genus, & pollicita- tiones nova. & testamentum, & vita, & mensa, & vestis, & uno verbo dicam, omnia nova sunt. Et Nicetas in Commentario Otationis de encæniis D. Gregorii Nazianzeni: Est, ait, canticum no- dum allegoricè, novi Testameni cantio; tunc enim nova omnia facta sunt, & creatura nova, & novus homo, & vita nova, & nova mandata, & nova gratia, & nova pollicitationes. Similiter

D Teophilactus 2. ad Corinth. 5. Vetus peccatum transit, novaque nobis anima, & novum corpus factum est, & pro Judaicæ omnibus, nova nobis facta sunt omnia. Demum Gregorius magnus homil. 32. in Evang. Novus homo venit in mun- dum, nova precepta dedit mundo, & vita nostra veteri, contrarieatem opposuit novitatis sua.

Secundò, lex Evangelica appellatur, quia, ut ait Author operis imperfecti in Matth. Evangelium est bonum nuncum: Bona autem hominibus nuncianur, quando promittitur eis beatitudine cœlestis, peccatorum remissio, adoptio filiorum, mor- tuorum resurrectio, immortalis vita, hereditare regni cœlestis, possessione gloria sempiterna, societas Angelorum, & communicatio Spiritus, & fra- ternitas Christi, & paternitas Dei.

Dicitur tertio, lex gratia, quia vi sua, & ratione sui statu, dat gratiam sanctificantem & auxiliis gratia. Unde Apostolus ad Romanos 1. Non enim erubesco Evangelium, virius enim Dei est in salutem omni credenti. In quem locum hæc scribit Anselmus: Virtus, quia gratiam prestat, per cuius auxilium valeamus facere quod precipit. Eademque de causa vocatur etiam lex Spiritus vita, & lex libertatis, quia liberat à lege & servitute peccati. Vel etiam quia liberat ab onere legis Mosaicæ.

Quarto, vocatur lex fidei, propter majorem expressionem, & determinationem articulorum

Ddd ij

4.

3.

2.

3.

4.

DISPUTATIO DVO DECIMA

580 fidei Trinitatis, Incarnationis &c. Et lex gratiae, propter efficaciam sacramentorum, ut ait S. Thomas quodlibet 4. art. 13.

Denum lex amoris seu charitatis appellatur, quia, ut bellè quidam ait, amor charitatis est veluti lex salica Christianismi. Vel quia, ut dicit Augustinus, lib. adversus Adimantum cap. 17. *Hoc est brevisima & aperiſſima differentia duorum testamentorum, timor & amor.* Addo quod, lex vetus cum terrore, nova promulgata est cum amore; caput enim promulgari à Petro, ipso die Pentecostes, quo Spiritus Sanctus, cuius peculiare nomen est amor, Apostolis ſeſe infudit, & in eorum cordibus Spiritum charitatis effudit, juxta ilud Apostoli ad Romanos 5. *Charitas Dei diffusa est in cordibus nostris, per Spiritum Sanctum, qui datus est nobis.* Ad quod respiciens Bernardus Epift. 107. admirabundus exclamat: *O geminum, ipsumque firmissimum, erga nos amoris argumentum! Christus moritur: meretur ergo amari. Spiritus afficit, & facit amari. Ille facit cur ametur, iste ut ametur. Ille multam dilectionem nobis commendat, iste dat. In illo cernimus quod amemus, ab ipso sumimus unde amemus. Charitatis ergo ab illo occasio, ex ipso affectio.*

ARTICVLVS I.

Vtrum lex nova à Christo instituta sit, & quibus preceptis ea conſet?

6. C alvinus in cap. 4. Epistolæ ad Galat. afferit Christum nullam legem novam tulisse, sed ſolūm à lege antiqua nos liberaffe: *O miserabilem, inquit, justitiam! O pernicioſum errorem predicanum Christum tanquam novum legifatorem. Quasi veterem legem abrogaverit, ut novam Christianis omnibus legem imponeret. Non fuit id Christi officium, ſicut ipſe dixit. Non misit Deus filium suum in mundum, ut judicet mundum, ſed in ſalvetur mundus per ipſum.* Et alio loco: *Ego, inquit, non judico quemquam. Non habuit profecto Christus id operis ac muneris, ut novam institueret legem, ſed ut ab hominum cervicibus servile illud legis jugum auferret.* Hoc illud est quod Paulus clamat. *Deum misere filium suum factum sub lege, ut eos qui ſub lege erant, redimeat.* Noftri vero novitii Theologi, divino adverſantes conſilio, pro liberatore legifatorem, qui nos in diuīſſimam tradat ſervitutem, ſuſcipiendum docent. Ut hic error explodatur, & vera atque Catholica ſententia declaretur,

Dico, Christus instituit novam legem ad Christianos pertinentem.

Probarit primò ex Scriptura, nam in veteri testamento promittitur Messias venturus ut legifator, & novam legem latus: Jeremiæ 31. *Ecce dies venient, dicit Dominus, & feriam domui Israël, & domui Iuda ſedns novum, &c. Dabo legem meam in viſcib⁹ eorum.* Que verba de Christo, ejusque ſedere & lege dicta eſſe interpretatur Apostolus ad Hebraos 8. & 10. Item Ilaicæ 2. ſic dicitur: *Et erit in novissimis diebus preparatus mons domus Domini in verice montium, & ſuent ad eum omnes gentes, & ibunt populi multi, & dicent: Venite & ascendamus ad montem Domini, & ad domum Dei Iacob, & docebit nos vias suas, & ambulabimus in ſemitis ejus: quia de Sion exhibet lex, & verbum Domini de Ierusalem.* Que de Messia, ejusque le-

A ge dicta eſſe, ex ipſo textu maniſtum eſt. Et cap. 3. de codem Meſſia ſic ait: *Dominus iudex noſter, Dominus legifex noſter, Dominus rex noſter, ipſe ſalvabit noſ.* Denum in Evangelio Chriſtus paſſum loquitur de ſua lege: Joan. 14. *Manda-ta mea ſervate.* Joan. 10. *Si præcepta mea ſerva-ueritis, manebitis in dilectione mea.* Matth. 28. *Docete eos ſervare omnia quæcumque mandavi vo-bis.* Et Paulus 1. ad Corinth. 9. *Filiis qui ſine le-ge erant, factus sum tanquam ſine lege eſſem, cum ſine lege Dei non eſsem, ſed in lege eſſem Christi.* Et ad Hebreos 2. conſert inter ſe Chriſtum & Moysēm, tanquam duos legifatores, alterum veteris, alterum novi teſtamenti; & ait, ſi transgrefſores legiſ a Mōſe date punitiſunt, multo magis transgrefſores legiſ a Chriſto puni-dos eſſe. Quapropter merito Tridentinum ſeff. 6. can. 21. ſic pronunciat: *Si quis dixerit Chriſtum Iesum à Deo hominibus datum fuiffe ut Redem-p-torem, cui fidant, non etiam ut Legifatorem cui obediunt, anachema fit. Quibus verbis Calvini error maniſt eſt proſcribitur.*

Probarit ſecundò conſclusio: Ad providentiam Regis pertinet ſtatueri leges, ad regni conſervationem, & Reipublica tranquillitatē neceſſarias vel utiles. Pertinet etiam ad providentiam Summi Pontificis leges ferre in iis quæ ad cultum Dei, & ad bonum Ecclesiæ ſpectant: Sed Chriſtus fuit Rex Ecclesiæ & Summus Pontifex illius, ut in Tractatu de Incarnatione disp. 22. art. 3. &

4. ostendemus: Ergo fuit etiam Legifator, & debuit utroque nomine leges Ecclesiæ neceſſarias vel utiles ſtatueri, per quas ad finem propositum, qui eſt ſalus æternæ, promoveri poſſit. Porro ſicut regia dignitas conuenit Chriſto cum singulari excellentiæ, nulli alteri confeſſa, ut loco citato declarabimus, ita & potestas legiſtativa. Primo, quia fuit divina quodammodo, ratione ſuppoſiti divini, unde jus ab eo conditum, vocatur divinum ſimpliceriter. Secundò, propter ex-cellentiam legum & præceptorum, quæ ut diceamus conſolitione ſequenti, triplicis generis ſunt.

D Tertiò, quia per talem potestatem legem veterem potuit abrogare. Denum, quia fuit ampliamente in universum mundum: Matth. 28. *Data eſt mihi omnis potestas in celo & in terra. Euntes ergo docete omnes gentes, &c.*

Contra istam conſolucionem objici poſt illud Joan. 1. *Lex per Moysēm data eſt, gratia autem & veritas per Iesum Chriſtum facta eſt, quo ſignificari videtur, Moysēm fuiffe Legifatorem, non vero Chriſtum, ipſumque nullam tulisse legem, ſed ſolūm gratiam & justificationem nobis promeruisse.*

Sed facile responderetur, non ideò gratiam dici per Chriſtum factam, legem vero per Moysēm datam, quod Chriſtus nullam legem tulerit; ſed quia Moysēs dedit Iudeis nudam legem ſine gratia, id eſt legem præcipitem, ſed non juvan-tem; Chriſtus vero dedit nobis legem cum gratia, id eſt legem præcipitem & adjuvantem. Quam ob cauſam vocatur ab Apostolo *lex spi-riuſa, & à Chriſto jugum ſuave & onus leve.* Unde Auguſtinus ferm. 22. de verbis Apoftoli: *Hac ſarcina (inquit) non eſt pondus onerati, ſed aſe volatur: habent enim & aves pennarum ſuarum ſarcinas, portant illas in terra, portantur ab illis in celo, &c.* Et Bernardus Epift. 341. ad Monachos B. Bertini: *Leve, ait, ſaluatoris onus, quod crescit amplius, eō portabilius eſt. Nonne & avicula levat, non onerat, pennarum, ſive plumarum*

10. **numerofitas ipsa: tolle eas, & reliquum corpus fer-
tur ad ima. Sic disciplinam Christi, sic nave ju-
gum, sic onus leve quo deponimus, eo deprimi-
mur ipsi, quia portat potius quam porreatur.**

Dico secundo, lex nova quæ a Christo data
est, continet triplicia præcepta, nempe moralia,
sacramentalia, & fidei.

Pater conclusio ex Scriptura: nam de præ-
ceptis moralibus Christus dixit Matth. 19. *Si vis
ad vitam ingredi, serva mandata;* per quæ præ-
cepta Decalogi, quæ propriæ ad mores pertinent,
juxta omnes Interpretes, intelligebat. Et Matth.
9. divortium & libellum, repudiū probabit, &
statuit, ut vinculum matrimonii non amplius dis-
olvatur. De sacramentalibus Joan. 5. Christus
aīt: *Nisi quis renatus fuerit ex aqua & spiritu
Sancto, non potest intrare in regnum Dei.* Et Joan.
6. *Nisi manducaveritis carnem filii hominis, non
habebitis vitam in vobis.* De præceptis vero fidei
dicebat, Marci 16. *Qui crediderit & baptizatus
fuerit, salvus erit; qui vero non crediderit, con-
demnabitur.* Et Joan. 8. *Sin non credideritis, quia
egi sum, moriemini in peccato vestro.*

Notandum vero, hoc inter triplicia illa præ-
cepta esse discrimen, quod moralia, cum sint
juri naturali, non fuerunt a Christo instituta,
sed tantum explicata & vindicata ab erroribus,
quibus ex hominum malitia fuerant involuta.
Sacramentalia vero instituta sunt a Christo, ut
effrent loco veterum, quæ ab ipso abrogata sunt.
Præcepta vero fidei de novo instituta non sunt,
sed tantum ex implicitis facta fuerunt magis clara;
ita ut nunc explicitè mysteria quædam credere
teneamus, quæ in lege veteri implicitè duntaxat
credebantur: cujusmodi sunt nativitas, passio, &
mors Christi, quæ a Judæis obscurè credebantur,
sed expressè creduntur a Christianis.

ARTICVLVS II.

Quomodo lex nova differat à veteri?

12. **L**Ex vetus & lex nova seu Evangelica in multis
discrepant. Primo different in eo quod illa
scripto tradita sit in tabulis lapideis ministerio
Angelorum, ista per Spiritum sanctum hominum
cordibus insculpta: juxta illud Apostoli 2. ad Cor-
inth. 3. *Epistola ejus Christi (nimirum legem
& doctrinam Evangelicam continentis) ministrata
à nobis. scripta non atramento, sed Spiritu Dei
vivi, non in tabulis lapideis, sed in tabulis cordis
carnalibus.* Ubi Theophilactus: *Ex hoc loco
Pauli, novi Testamenti inferi præcellentiam.
Lex, inquit, atramento scribebatur: Evangelium
in nobis per Spiritum scriptum est. Quaniō igitur
intervallo, Spiritus ab atramento distat, & cor à
lapide, tanto & novum à lege dispareat, &c.*

13. Dices primò, lex nova scripto fuit tradita, & quæ
ac vetus, eam enim Apostoli & Evangelista des-
criperunt: Ergo non valer tale discrimen.

Respondeo ex D. Thoma quæst. 106. art. 1. le-
gen novam duo continere. Primò & principali-
ter gratiam & charitatem diffusam in cordibus,
qui impellimur & juvamus ad bene operandum.
Secundo, præcepta & regulas bene operandi; &
quoad hoc secundum, legem novam scripto fuisse
traditam, & quæ ac veterem; sed quoad primum
fuisse in cordibus fidelium diffusam & inscul-
ptam, præcipue in solemnis eius promulgatione,
facta in die Pentecostes: tanta enim fuit tunc da-
ta gratia & charitatis abundantia, ut vi illius po-

A tuissler tota lex nova sine scripto conservari, ut
rectè dicir Ireneus lib. 3. contra hæreses cap. 3.
Addo quod lex nova non fuit per se primò scri-
pta & ex professo sicut Mosaïca, sed per occasio-
nem scribendi vitam Christi, rogatu fidelium,
vel docendi eisdem per Epistolæ, aut occurrenti
hæresibus Cherinthi, Ebionis, & aliorum deinceps
contra Ecclesiam insurgentium. Neque fuit
scripto mandata eodem die Pentecostes quo pro-
mulgata est, sed multò post, octavo nimirum post
mortem Christi anno, Petro & Paulo Romæ
jam prædicanti, ut docent Ireneus lib. 3. cap. 1.
Theophilactus præfatione in Matthæum, & Eu-
febius lib. 5. historiæ cap. 8.

B Dices secundo, etiam lex Mosaïca fuit inscul-
pta cordibus Judæorum, per illuminationem &
gratiam Spiritus sancti, cum gratia non defuerit
Judæis, ut possint intelligere & servare talam
legem, multa supernatura lata præcipientem: jux-
ta illud Deuteronom. 30. *Mandatum quod ego pre-
cipio tibi hodie, non supræte est &c. sed iuxta te est
sermo valde in ore tuo, & in corde tuo, ut facias
illum: Ergo haec legis in mehre consignatio, non
est propria novo testamento.*

Respondeo quod quamvis gratia necessaria non
defuerit Judæis ut possint servare legem Moysis,
illa tamen non pertinet ad legem Mosaïcam, ne-
que fuit data vi statutus illius, in quo nondum
fuerat solutum premium redemptionis nostra; sed
pertinet quodammodo ad legem novam, & ad
Christum ejus auctorem, a quo emendata fuit,
& obtenta per ejus merita. Neque tanta fuit a-
bundantia gratia concessa communiter illis tem-
poribus, ut dici possit legem Mosaïcam fuisse à
Spiritu sancto mentibus hominum insculptam;
sed hoc soli lege Evangelicæ convenit, quæ, ut
diximus, in die Pentecostes, quo solemniter pro-
mulgata est, magnâ & visibili effusione Spiritus
sancti, in cordibus Apostolorum & Discipulo-
rum consignata est; juxta illud Jeremiae 31. *Dabo
legem meam in viscerebus eorum, & in cordibus
eorum scribam eam.* Unde Augustinus de Spiritu
& littera cap. 17. *Ibi in tabulis lapideis digitus
Dei operatus est, hic in cordibus humanis. Ibi lex
ex irinsecus posita est, quā in iusti terrorentur; hic
in irinsecus data est, quā justificarentur.*

C Secundò, lex vetus & nova different in eo quod
lex nova habet vim justificandi, idque dupli-
cito. Primò quia habet presentem Christum ejus
authorem & institutorem, qui potuit ex perfe-
cta iustitia meriti & Deo satisfacere pro homi-
nibus. Ideoque ex vi sui statutus dat gratiam per
aliquid sibi proprium, & secum illam affert, velut
animam legis: *Lex enim per Moysen data est,
gratia & veritas per Iesum Christum facta est,* Joan. 1. Secundò, lex nova habet vim justifican-
di, quia continet sacramenta, quæ habent vim
causandi gratiam, & sunt veluti vasa illam conti-
nentia; ut suppono ex Tractatu de Sacramentis.
Contra lex Mosaïca, cum nec ipsum gratia au-
thorem haberet, nec continenter sacramenta ha-
bentia vim causandi gratiam ex opere operato,
vim justificandi non habebat ex propriis, sed per
respectum ad statutum legis gratia, & ad Christum
eius authorem, cuius virtute & meritis gratia
antiquis patribus in quacumque lege fuit collata.
Unde D. Thomas quæst. 107. art. 1. ad 2. & D.
Augustinus pluribus locis affirmant illos qui in
veteri Testamento fuerunt Deo accepti per fidem,
secundum hoc ad novum testamentum perti-
nuisse; non enim justificabantur, nisi per fidem

D dd. iii

- Christi, qui est author novi testamenti; juxta illud Act. 15. *Per gratiam Domini Iesu Christi credimus salvati, quemadmodum & illi, Patres scilicet veteris testamenti.* Et istud i. Corinthi. *Bibebant autem de spirituali consequente eos petra: petra autem erat Christus.*
16. Hinc intelliges, legem veterem recte speculo comparari, quod maculas quidem ostendit, sed non auctor; legem vero novam aqua, qua non solum fortes valet ostendere, sed & altergere; unde Ezech. 25. Dominus fidelibus novae legis pollicetur: *Effundam super vos aquam mundam, & mundabitini ab omnibus inquinamentis vestris.*
17. Intelliges etiam, cur lex nova vivificare datur, & vetus occidere; quia nimur prima largitur gratiam, qua vera animi vita est; altera vero eam vi sua largiri nequit, & concupiscentiam prohibendo augebat, ut docet Augustinus de spiritu & littera cap. 4. *Doctrina (inquit) quam mandatum accipimus, littera est occidens, nisi adsit vivificantis Spiritus, inspirans pro concupiscentia mala, concupiscentiam bonam, id est charitatem.*
18. Demum intelliges, quod quemadmodum in antiquum propitiatorium Exodi 1. vertunt vultus duo Cherubini, sicut Christum veluti magnum quoddam propitiatorium mundi, vertunt oculos duo populi, antiquus, qui Christi adventum praecessit, & Christianus, qui sequitur, cum eadem Christi gratia uterque populus salvis factus sit, & eodem agni immaculati sanguine redemptus. Unde Augustinus Epist. 157. ad Optatum; *Cum omnes justi, id est veraces Dei cultores, sive ante incarnationem, sive post incarnationem Christi, nec viventes, nec vivunt, nisi ex fine incarnationis Christi, in quo est gratia plenaria, profecto quod scriptum est Act. 4. Non esse aliud nomen sub calo in quo oporteat nos salvos fieri, ex illo tempore valent ad salvandum genus humanum, ex quo in Adam vitium est.* Sicut enim in Adam omnes moriuntur, ita & in Christo omnes vivificantur: quia sicut in regno mortis, nemo sine Adam; ita in regno vita, nemo sine Christo: sicut per Adam omnes iniqui, ita per Christum omnes justi homines: sicut per Adam omnes mortales in pena falli sunt filii seculi; ita per Christum omnes immortales in gratia sunt filii Dei.
20. Tertiò, lex vetus & nova differunt in eo quod vetus testamentum conditum est pro servis, novum pro filiis & haeredibus, ut declarat Apostolus ad Galat. 4. his verbis: *Scriptum est, quoniam Abraham duos filios habuit: unum de ancilla, & unum de libera. Sed qui de ancilla, secundum carnem natus est; qui autem de libera, per reprobationem. Quae sunt per allegoriam dicta. Hac enim sunt duo testamentoa. Unum quidem in monte Sina, in servitutem generans, qua est Agar: Sina enim mons est Arabia, qui conjunctus est ei qua nunc est Ierusalem, & servis cum filiis suis. Illa autem, qua sursum est Ierusalem libera est, qua est mater nostra.* Et infra: *Non sumus ancilla filii, sed liberae.* Unde ibidem Anselmus: *In utroque (inquit) testamento genuit Deus filios, qui sibi servirent, sed in veteri Iudeos servos, qui timore pena, & promissionibus temporalibus, ei serviliter obediens; in gratia vero novi testamenti, liberos, qui ex dilectione servirent. Quibus verbis aliam utriusque legis differentiam indicat, quod nimur testamentum vetus fuit timoris, novum est amoris: fuit enim illud servorum, quorum est timor,*
- A juxta illud Malach. 1. *Si Dominus ego sum, ubi est timor meus?* hoc est filiorum, quorum est amor erga patrem. Unde Chrysologus serm. 1. in Evangel. cum jejunatis: *Vbi Deus Dominum mutant in patrem, volunt charitate magis quam potestate regnare, & amari maluit, quam timeri.* Et Augustinus lib. adverfus Adimantum cap. 16. *Deus veteri homini fugienti, tanquam Dominus apposuit quod timeret, & novo redeunti, tanquam pater aperuit quod amaret.* Et cap. 17. ait, quod *hoc est brevissima & aperiissima differentia duorum testamentorum, timor & amor.* Unde quemadmodum timor prior est amore, sic testamentum vetus prius fuit testamento novo; & si-
B cut timor locum preparat charitati, cum autem cœperit charitas habitare, pellitur timor, qui ei preparavit locum; ita testamentum vetus pre-
paravit locum testamento novo, quo adveniente, abrogatum fuit. *Sicut enim (inquit Augustinus) quando aliquid fuit, seia prius intrat, sed in epiph. loan. nisi exeat, non succedit linum: si timor primo occupat mentem, non autem ibi remanet, quia ideo intravit ut introduceret charitatem.*
*Ex his sequitur alia differentia, in veteri enim testamento, mysteria fidei, præstum Trinitatis & Incarnationis, erant obsecrè & imperfectè cognita, in novo clare & expressè sunt revelata. Quare hoc? quia nimur servi non tam perfectè C sciunt confilia & secreta Patriarchiarum, quam filii. Hinc Christus Joan. 14. Discipulis dicebat: *Jam non dico vos servos, quia servus nescit quid faciat Dominus ejus.* Hanc differentiam indicavit Augustinus, cum dixit vetus testamentum esse occultationem novi, & novum esse revelationem veteris; & propter hoc Moysen cum loqueretur ad populum faciem velasse, Christum veiò nobis revelata facie locutum esse, ut ait Apostolus 2. ad Corinth. 3.*
Ex hoc intelliges, quod sicut hemispherium eō magis clarescit, quo magis ei Sol appropinquat; ita status veteris legis, secundum majorē ad Christum & Evangelium propinquitatem, majorem cognitionis divinorum mysteriorum claritatem & illustrationem accepit; & ut loquitur D. Gregorius homil. 16. super Ezechiel. Secundum incrementa temporum, crevit scientia Sanctorum Patrum, & quād viciniores adventui Salvatoris fuerunt, tanto sacramenta salutis plenius perceperunt. Unde David, quia propinquior Christo fuit, pleniorē de mysterio incarnationis & Trinitatis, quam ceteri Patriarchæ & Prophetæ, qui ipsum præcesserunt, cognitionem accepit; propter quod Psal. 118. ait super senes intellexi. Item Joannes Baptista, quia Christus adhuc propinquuit fuit, ut ipse quem digito monstravit, pleniorē Davide & ceteris Prophetis veteris testamenti, de eisdem mysteriis intelligentiam habuit: de quo propterea dixit Christus, ipsum esse Prophetam, & plusquam Prophetam, & inter natos mulierum, id est Prophetas, nullum majorem surrexisse.
*E Alia adhuc ex dictis colligitur inter vetus & novum testamentum differentia. Nam in veteri testamento promittebat Deus bona temporalia, in novo promittit aeterna. In veteri dicebat Isaiae 19. *Si audieritis me, bona terra comedetis;* in novo Christus ait Matth. 5. *Beati pauperes spiritu, quoniam ipsorum est regnum celorum.* Hinc Augustinus in Psal. 73. Deus (inquit) se utriusque testamenti voluit esse auctorem, ut & terrena promitteret in veteri, & caelestia in novo. Qui animi-*

rum alia est conditio servorum, alia filiorum. Servi accipiunt temporalem mercedem à suis dominis, & sic dimittuntur; filii vero succedunt in perpetuam hereditatem. Hoc insinuat Paulus ad Galat. 4. cùm air: *Ejice ancillam, & filium ejus: non enim hares erit filius ancilla cum filio liberis.* Et ad Hebreos 7. cùm vocat testamenti novi meliorem spem, per quam proximanus ad Deum, quia scilicet cœlestia ac æterna sperat; cùm è contra lex verus terrena solum & temporalia expectaret. Unde Bernardus serm. 30. in Cantica: *Grave legis jugum, & vile premium, nam terra est promissionis.*

23. Ex hoc intelliges aliud discrimen, quod inter novum & vetus testamentum versatur; novum enim cœli fores aperit, quas verus aperire non potuit, ut egregie declarat Apostolus ad Hebreos 9. his verbis: *In secundo tabernaculo semel in anno solus Pontifex intrabat, non sine sanguine; hoc significante Spiritu Sancto, nondum pro palatam esse Sanctorum viam, adhuc priore tabernaculo habente statum.* Hoc est: in Sancta Sanctorum, quæ templi pars erat intima, & cœris præcellentior, solus Pontifex semel in anno introbat, ceteri sacerdotes eo ingressu prohibebantur: quâ occlusione intimi adiuti, & partis templi præcellentioris, adumbrabat Spiritus Sanctus, viam in cœlum fuisse occlusam, quādiū vetus testamentum ratum fuit. Novi autem testamento author Christus, primus omnium cœlum penetravit, cœlestemque viam ac fores aperuit. Quam ob causam duodecim portas cœli patentes vidit Joannes Apocal. 21. *Porta, inquit, ejus non claudetur. Ab oriente portæ tres, & ab Aquilone portæ tres, & ab Austrō portæ tres, & ab Occasu portæ tres.* Versus omnes cœli plagas porta patent, quia totius orbis habitatoribus patient, non veteris, sed novi beneficio testamenti.

24. Aliam eisdem veritatis figuram habemus Numer. 15. ubi lex hujusmodi à Deo lata extat: *Exules & perfugi, ante mortem Pontificis, nullo modo in urbes suas reverti poterunt.* Per hoc enim significabat Spiritus Sanctus, quod ante mortem Christi, nemo cœlum ingredi poterat, nec in patriam cœlestem reverti; sed eo defuncto, & resurgente, ac in cœlum ascende, cœli portam omnibus fore apertam, ac liberum in patriam cœlestem redditum. Unde Gregorius homil. 6. in Ezechiel. *Quid est, inquit, quod homicida post mortem Summi Pontificis absolutus, ad terram propriam redit, nisi quod humanum genus, quod peccando sibi mortem inculit, post mortem veri sacerdotis, id est Christi, peccatorum florum vinculis solvitur, & in paradisi possessione reparatur?*

25. Denique omnis pluribus aliis inter veterem & novam legem differentiis, haec præcipua & veluti capitalis est, quod lex vetus fuit umbra & figura novæ, nova autem veteris perfectio & complementum. Unde Hieronymus lib. 1. adversus Pelagianos cap. 9. *In lege promittitur, in Evangelio implitur; ibi initia, hic perfectio est; in illa operum fundamenta jacuntur, hic fidei & gratia culmen imponitur.* Et Bernard. homil. 1. super Missus est, docet quod sicut fructus tam seminis quam florum finis & complementum est; ita Christus finis fuit perfectio, & complementum veteris le-

gis: *Videntur inquit mihi quoddam semen juvare divine cognitionis, tanquam è cœlo jactatione in terras, allocutiones & promissiones factæ ad Patres Abraham, Isaac, & Iacob. Floruit autem hoc semen in mirabilibus, qua offensæ sunt in xitu Iudaïæ de Ægypto, in figuris & enigmatis, per totum iter in deserto, usque ad terram promissionis, & deinceps in visionibus & vaticiniis prophetarum, in ordinatione quoque regni & sacerdotii usque ad Christum; Christus autem hujus seminis & horum florum, non immerito fructus esse intelligitur.* Alia similitudine uittur Chrysostomus

(vel ut alii volunt Victor Antiochenus) expnens illud quod habetur Marci 4. *Vlto terra fructificat primum herbam, deinde spicam, deinde plenum frumentum in spica. Subdit enim: Primo herbam fructificat in lege natura, postmodum spicas in lege Moysi, postea plenum frumentum in Evangelio,*

26. Si autem queras, quomodo lex nova implet veterem? Respondebo cum D. Thoma h[ic] que. 107. art. 2. legem novam adimplere veterem, supplingo duo, quæ veteri legi deerant. In veteri lege (inquit) duo possunt considerari, scilicet finis & præcepta contenta in lege. Finis vero cuiuslibet legis est ut homines efficiantur justi & virtuosi, unde & finis veteris legis erat justificatio hominum, quam quidem lex efficeri non poterat, sed figurabat quibusdam ceremonialibus factis, & promittebat verbis; & quantum ad hoc lex nova implet veterem legem, justificando per virtutem passionis Christi. Et hoc est quod Apostolus dicit ad Roman. 8. *Quod impossibile erat legi, Deus Filium suum mittens in similitudinem carnis peccati, damnavit peccatum in carne, ut justificatio legis impletetur in nobis.... Præcepta vero veteris legis adimplerunt Christus & opera & doctrinæ. Operè quidē, quia circuncidi voluit, & alia observare, quæ a erant tempore illo observanda, secundum illud a Galat. 4. *Factum sub lege.* Suā autem doctrinā adimplivit præcepta legis tripliciter. Primo quidem, verum intellectum legis exprimendo, scilicet patet in homicidio & adulterio, in quo rum prohibitione Scribae & Pharisei, non intelligebant nisi exteriorē actum prohibitum; unde Dominus legem adimplevit, ostendendo etiam interiorē actus peccatorum cadere sub prohibitione. Secundo adimplevit Dominus præcepta legis, ordinando quomodo tuius observaretur quod lex vetus statuerat; sicut lex veteris statuerat, ut homo non pejeraret, & hoc tuidis observatur, si omnino a juramento abstinet, nisi in causa necessitatis. Tertio, adimplevit Dominus præcepta legis, superaddendo quædam perfectionis consilia, ut patet Matth. 19. ubi dicente se observasse præcepta legis veteris, dicit: *Vnum tibi dœst, si vis perfectus esse, vade & vende omnia quæ habes, &c.**

Cætera quæ de lege nova docet S. Thomas, familia sunt, magisque indigent lectione quā explicatione. Unde his prætermisso, agendum nobis est tomo sequenti de alio exteriori humanorum aetuum principio, scilicet gratia Dei, quæ est divina legis finis & complementum; nam ut air Augustinus lib. de spiritu & littera: *Lex data est, ut gratia quereretur; gratia data est, ut lex adimpleretur.*

Finis Tomi tertij Clypei Theologie Thomisticae.

